

PERAYAAN2 PERTABALAN SULTAN 22 OCT 1963 HARI INI

IPOH, Ithnin.—Perayaan2 untok menyambut Hari Pertabalan Sultan dan Raja Perempuan Perak akan di-mulai esok dan akan berpusat di-Kuala Kangsar.

Kerajaan Perak telah menguntokkan \$400,000 untok perayaan2 tersebut selama sa-minggu. Hampir separoh daripada jumlah itu telah di-belanjakan untok membaharui Istana Iskandariah, tempat kediaman rasmi Sultan. **B. H.**

Orang ramai di-jangka membelanjakan \$100,000 lagi untok perayaan2 itu sementara Majlis Perbandaran Ipoh telah membuat achara2 khas yang akan menelan belanja kira2 \$40,000 untok menyambut kunjongan Sultan dan Raja

Perempuan ka-ibukota negeri sa-telah mereka di-tabalkan.

Pagi esok tembakan meriam 17 das akan di-lakukan untok menandakan permulaan perayaan rasmi dan ini akan di-ikuti dengan sembahyang khas di-Istana.

Kawalan keselamatan yang ketat akan di-adakan sa-lama perayaan2 sa-minggu itu.

Yang di-Pertuan Agong akan di-wakili dalam upacara pertabalan itu oleh Perdana Menteri Tengku Abdul Rahman, sementara ketua2 negara dalam Malaysia dan Brunai juga akan di-wakili. **B. H.**